

续明纪事本末

續明紀事本末

續明紀事本末

光緒癸卯仲夏
上海書局鉛印

書經存案
翻刻必究

續明紀事本末

凡例

一谷氏原書筆勢高簡持論允核續編絕不能逮而隸事尤繁永歷十餘年採擇尤繁鄙意西南文獻凌逸久矣存之以俟通人之去取非敢云善本也

一

廟號皆準朱子書我太祖皇帝之例仗鉞親王其始並稱封爵後則省之以符史例亦不蹈沈氏別裁詩選之失其書降臣降將亦謹遵貳臣傳及

聖武記小腆紀年之義例惟洪承疇吳三桂既叛其君更絕其祚趙之龍鄭芝龍陳邦傳劉承允必死其君田雄馬得功張國柱高得捷躬爲叛逆或生執其世子妃嬪罪尤難諱故特書叛臣叛將以殛之

一春秋內諱而乾時之敗據事直書我

朝永平岳州之兵

上諭亦責親王大臣之覆績不以自私而見小故續編於渡江後勝負之狀不爲謎語亦

新刊系事卷之二
不敢抑揚附會自取罪戾

一福藩之立稭政固難枚舉稭史瑣談亦多難信故特以兵事爲綱而間及昏亂之狀庶幾較嚴於例爾

一閩浙之兵雖相附麗然張魯鄭唐其實終別故浙以張終閩以鄭附以昭劃一其鄆西諸軍凡與魯王周旋者皆識於浙而略於閩並非亂例

一永歷之時東南更亂區畫良難故準張氏三藩紀事之例各卽其省治分之惟張氏原本頗有未備之處續編隸事稍多故所分亦較衆其湖南北廣東西陝西甘肅或並二省爲一卷或以附書以事多首尾不宜割裂陝甘事又較少不復能自爲卷也

一紀年之法在宏光者用大書閩浙粵則以我

朝年號冠之而分注其改元於下亦不用僭僞等字謹遵

欽定通鑑綱目緝覽之例以昭爲下不倍之義其臺灣稱奉年號久乃去之亮其志也若

西山之賊雖奉明號實亂人也故不之與

一前史於周赧漢獻並稱王帝不沒其實宋史末書祥興帝其例尤善蓋既見其
不終亦不儕諸僭亂茲編於宏光諸帝並以是書不敢蹈前人之失

一明末變端紛起事實不能盡確故五指之使臺灣之薨並存其說以守傳疑之
訓而赧王眞僞及太子之讞出入尤甚故特識之論中

一有明之末固閹矢死之臣忠節爛然從前拘於忌諱或加以惡詞恭讀

高宗純皇帝聖諭及專諭通諭之贈

如天之度褒及殷遺豈前代所能比其萬一故續編得以導揚

聖美據事直書一洗從前之陋其不書楊維垣輩既有傳疑之言不敢率也

一起兵之人谷氏舊無此目其忠義又不可沒爰仿江南義師始末而書之然或
負罪重大或不久降附或其心實非爲明則削之如宋權李鑑黎玉田及天津巡
撫總兵官之於北直隸李建泰姜瓖於山西潘士良張鳳翔盧溝謝陞趙繼鼎於
山東李沾劉孔昭周謙趙麟趾於南直隸田仰栢襄甫顧虎臣於浙江張啓祥鄧
雲龍曹志鏐汪文生朱議滄王祐彭坤陳九思於江西羅南生許志遠曾度於福

建鄧希明楊維棟於四川龔遂於廣西雖列其事然義兵之名則不之予昭其別也又如史夏隆江鎮鼎連城壁爲死爲降不能臆斷亦本傳疑之訓而不之予其矜然於亡滅之後者如孫夏峰顧寧人黃黎洲徐世名沈文光若爾人則亟錄之亦前史書祁原王保保之例也然亦不敢濫云又如山東之滿家洞閩粵湘楚川黔滇桂亂民盜種託名揭竿苗寨土司乘機嘯亂本非故主之思奚容猥列乎其有孤身一旅輾轉於干戈島寨之中百折不回姓氏已逸則述無可述蓋書闕有間矣

一抗節之人專紀南渡者紹谷氏也書法以省統府以府統州縣衛所其一役而死節特多則挈其節烈最著者爲綱而附以同類不得已乃以官秩爲次其或府州並無其人則卽其縣衛而特書之不知此恐致冗逸其去取多本明通鑑小腆紀年諸書欲窺全豹自有專紀殉節之編在

一張李皆亡明之賊然弑君之罪李大於張李定國擁張之遣推戴永歷至死不變故次以李孫之兵而殿自成遺亂於末其序張李而起武昌鹽亭者前此谷氏

有紀也惟通城之死雅布蘭之功谷氏書之少誤不得已略正之

一近賢之紀明事者大都搜羅考訂各極其長間有訛誤亦不害其全體故續編有所取法其或少有同異不復合於諸說亦頗費考核然在田儉人也讀書不多才識尤昧遺悞舛繆必不能無或更慙於前人所望海內君子惠我瑤篇匡其不逮則幸甚

續明紀事本末

目錄

卷之一

南都兵事

卷之二

馬阮奸跡

卷之三

太子之讞

卷之四

四鎮之亂

卷之五

左兵之叛

卷之六

浙海遺兵

卷之七

閩海遺兵

卷之八

江西之亂

卷之九

荆湘之亂

卷之十

兩廣之亂

卷之十一

四川之亂

卷之十二

黔滇之亂

卷之十三

永歷奔亡

卷之十四

永歷黨禍

卷之十五

諸方義旅

卷之十六

東南殉節

卷之十七

李孫之兵

卷之十八

自成遺亂

續明紀事本末卷之一

南都兵事

江都倪在田甫輯

崇禎十七年春正月山西亂兵大下鳳淮巡撫路振飛使金聲桓守徐州周仕鳳守泗州周爾敬守清口圍民兵犒牛酒得士數萬三月賊知府鞏克順至淮安巡按御史王爕磔之俄聞京師陷振飛集衆泣曰代我將至將縛我以降乎抑誓守乎衆皆哭乃散漕糧校坊團與爕治兵固守夏四月南京兵部尙書史可法以兵討賊莊元宸一夕七次至以促之可法次浦口以立宏光帝還王爕執賊防禦使呂弼周於淮安弼周爕座主也責以大義叢射殺之振飛擊賊將董學禮於宿遷破之擒僞官胡來賀等沈之河斬趙洪春等五月庚寅福王監國於南京實宏光帝以史可法爲太保大學士兼兵部尙書起張國維協理京營戎政晉馬士英東閣大學士猶督鳳陽等處軍務使兵部員外郎萬元吉宣諭各鎮以張應元爲承天總兵官議設四鎮於江北命御史祁彪佳安撫江南止江西總督袁繼咸兵入按左都御史劉宗周上疏略言今日之事非討賊復仇無以表陛下渡江之心非決策親征無以作忠義之氣因陳討賊次第

一曰據形勢江左非偏安之業宜進圖江北淮安鳳陽安慶襄陽雖立重兵尤重在鳳陽駐親征之師東扼淮徐北控豫州西顧荆湘而南去金陵亦不遠以此漸進秦晉燕齊必當響應一曰重屏藩遠不具論卽如淮陽數百里間兩節鉞不能禦亂則一撫二鎮皆可斬也

詳見四鎮

一曰慎爵賞今將悍兵驕已非一日陛下親征所至亟問士卒甘苦

而身與共之乃得漸資騰飽各帥封賞孰宜孰濫宜略收奪夫左帥以恢復封高劉逃敗而亦封武臣旣濫文臣隨之外廷旣濫中璫從之臣恐天下聞而解體也一曰覈舊官燕京旣陷從逆棄職之徒宜別其罪其徘徊於順逆間者尤宜誅絕行此數者於討賊復仇之法亦略備矣又疏賊踰秦晉直逼京師大江已還二三督撫坐視君父危亡不援一騎新朝旣立宜遣六師不然亟遣一使問道北進檄燕中之父老起塞上之名王共激仇恥而諸臣又不出此紛紛制作盡屬體面將置南中面目於何地乎詔付史館大學士史可法請罷南京鎮撫參募勇銳定制如北京侍衛錦衣鑾儀軍校並宜入伍毋冗餉鎮撫官不必備從之吏部尙書張愼言陳中興十議曰節鎮曰親藩曰開屯曰叛逆曰僞命曰褒卹曰功賞曰起廢曰懲貪曰漕卒詔嘉之兵部尙書協理

戎政張國維請建三輔以藩南京而以京口爲東輔蕪湖爲西輔京師爲中輔各設重兵守之不果行俄去職

詳見馬阮奸迹

御史郭維經疏聖明御極將二旬而雪恥除兇收拾

人心之事未之或舉今僞官縱橫於鳳泗悍卒搶攘於瓜儀焚掠漸及江南而廟堂不聞動色惟以漫不切要之務訾議鑽營乞令內外諸臣洗滌肺腸一以辦賊復仇爲事報聞以趙光遠充四川總兵官分江北爲四鎮

詳四鎮之亂

設督師於揚州節制之以太監

盧九德提督京營以鄭鴻達爲總兵官鎮九江以黃蜚爲總兵官鎮京口時叛將吳三

桂已乞師於

大清攝政王多爾袞入京師示諭江南削髮違者屠之英親王阿濟格及三桂西追賊

初史可法自浦口歸謁宏光帝於內守備府宏光帝色赧思去可法止之請素服郊次

發師北征示天下復仇之意宏光帝唯唯及及位馬士英驟入

詳見馬阮奸迹

不並立乃自請

督師淮揚許之京師譁異曰何奪我史公太學生陳方策諸生盧渭上疏淮揚門戶也

京師堂奧也門戶有人堂奧豈可無人不聽以叛將趙之龍提督京營戎政之龍遂與

政己已史可法辭朝詔百官郊餞以總兵劉肇基于永綬李棲鳳卜從善金聲相張